

# 哈密志卷之四十二

紀事志一

現遵事例

欽差大臣二員原委 乾隆二十三年平定南北兩路秋間巴里坤辦事布政使德舒奉旨前往哈密駐劄辦事甘肅巡撫吳達善於是時來駐哈密同德舒辦理事務此爲哈密駐劄欽差大臣之始維時一切文移均鈐用巡撫關防嗣後巡撫吳達善回肅乃用防鎮之印二十六年經欽差道員銜淑寶奏請頒給印信以資彈壓二十七年三月間始奉部頒給管理哈密糧餉事務大臣銀印至回子事務舊例由理藩院派司員筆帖式各一員領催一名尙司管理三年更換二十七年秋間喀什噶爾參贊大臣永貴奏請裁撤哈密欽差並辦理夷情司員等官統歸巴里坤大臣管理經軍機處議奏以從前楊應琚奏請裁撤曾奉諭旨哈密係新疆總要必得尙管大臣辦事未便撤回今永貴所奏裁撤哈密道員之處應毋庸議所有夷情事務卽歸哈密大臣辦理將理藩院章京筆帖式領催俱令撤回復經欽差道員銜淑寶奏准將理藩院領催一名留存哈密以備查辦蒙古文移事務

哈密志卷之四十二

紀事志一

一 禹貢學會  
邊疆叢書

一回繳硃批摺件改定現遵事 於乾隆五十二年正月內接奉軍機大臣議奏摺內嗣後回繳硃批摺件毋庸特派人員賚送在一年內作爲兩三次妥爲裝匣卽隨奏事之便同發回繳等因具奏奉旨著照擬行欽遵咨行在案至今遵照每年十二月初間妥爲包封裝匣隨奏摺由驛賚送十一月先咨行兵部由大部查收轉呈交軍機處查收併將硃批摺奏數目另行開寫漢字清單一并呈送可也

一改設主事銜原委 於乾隆五十九年正月內奉旨雅德奏請將印房辦事防禦并蒙古領催全行裁撤改添一主事銜一摺著照雅德所奏其添改主事銜之缺著筆帖式塔凝阿充補餘依議欽此

一八品部缺筆帖式一名原委 於乾隆四十年三月內據明琦具奏由委筆帖式六名內請補用本旗部缺筆帖式一摺奉旨知道了欽此

一設委筆帖式六名原委 於乾隆二十七年八月內據舒 等具奏調取巴里坤等處駐防人委空銜筆帖式六人以資辦理清文年滿咨將軍鼓勵一摺奉旨著照所奏欽此  
哈密改設吏缺原委 查乾隆二十三年設立駐劄大人衙門漢印房辦事俱係在內地各營聽差官員內挑選把總外委督率貼書十名辦理文案至嘉慶二年把總外委多有不識

字者經欽差大人伍 咨部仿照新疆各城額設書吏之例始設經書三名著役五年役滿咨部掣照留駐辦事九年期滿照例歸部入於雙月四缺前銓用

哈密通判一員原委 哈密自康熙年間駐劄防兵以來俱由陝甘兩省派同知通判州同等官或一員或二員管理糧務五年更換至乾隆二十三年因新疆南北兩路悉入版圖於二十四年秋間經陝甘總督楊應琚奏請將安西道及靖逆通判均移駐哈密二十七年秋間奉部頒給哈密管理糧餉兼理地方事務通判關防嗣於三十七年春間陝甘總督文綬奏請將安西道移駐巴里坤更名爲巴里坤屯田糧務兵備道管轄闡展哈密烏魯木齊木壘等處各廳事務至三十八年夏間又經陝甘總督勒爾謹會同烏魯木齊都統索諾木策凌奏准將巴里坤連設鎮西府而兵備道移駐烏魯木齊其哈密闡展同知通判均隸鎮西府所屬至遇有地方刑名案件向來俱徑詳欽差大臣核奏不歸內地辦理錢穀奏銷事務由府司詳院核題而一切供支各項仍由欽差大臣查核

添設巡檢原委 乾隆二十八年冬通判常雲因哈密爲口外總匯之區回漢雜居通判一官兼顧不周詳請添設巡檢一員以資助辦地方各事經<sup>三寶薩瀚</sup>札商總督楊應琚會銜具奏將鳳縣清風閣巡檢裁汰改爲哈密巡檢奉旨允行三十年添修巡檢衙門三十年二月內

哈密志卷之四十二

紀事志一

二

禹貢學會  
邊疆叢書

奉部頒給哈密巡檢司關防一顆

一設官醫 於乾隆二十七年正月內准陝甘總督楊應琚據哈密廳協請將官醫二名減去一名以省糜費爲哈密駐防官兵從前蒙皇上天恩賞給藥材營中招募官醫二名今減去一名仍支給工食每月支領二分口糧米麩肆斗玖升捌合在於哈倉動支每年給養廉銀陸拾兩在於司庫公用銀兩內給發咨報戶部等處可也乾隆二十七年二月二十一日哈密聽差官員原委 乾隆二十三年哈密駐劄欽差大臣辦事因哈密路當衝途差務浩繁由內地調派並就近截留解送軍營馬駝差竣之游擊程尙遜等大小官五十餘員以供差遣所有備撥馬駝差務俱係游擊守備管理二十六年夏間欽差<sup>布政使永寧道員銜淑寶</sup>以軍務久竣哈密聽差官弁除陸續撤回外尙有三十餘員稟知總督酌留游擊守備把總外委十七員三年更換一次餘俱奏明撤回二十七年春間欽差道員銜<sup>淑寶</sup>具奏又減微弁七員止留游守等官十員至三十七年春間經欽差<sup>道員銜佛德員外郎雙鼎</sup>以聽差游擊守備並無需辦要務奏准裁撤回營止留把總外委八員供差其馬駝差務統歸哈密管辦

請調經費原委 哈密奏調經費銀兩一條查向來總以十萬兩爲率於三十六年欽奉諭旨烏什等處每年應需銀兩不必預先調解貯庫備用一年俟後惟計三兩月或足半年需

用俟存貯將完再爲調解並無遲悞之處著通行寄信駝劄各處大臣欽此嗣於三十八年經大人明琦雙鼎具奏遵照諭旨將哈密經費止調銀五萬兩備貯應用以後俱照此辦理

一哈密營油房原委 查哈密滿漢檔房辦公需用蠟燭向由內地辦解因不無繁費經局議將塔爾納沁收穫菜子葫蘆榨油應用於乾隆二十九年冬間設立油房令兵丁榨辦議定滿漢印房一年需油六百三十斤供支入覲伯克約需油二三百斤蔡湖旱磨三合每磨一合每日需油四兩一年除小建停工一十二日外共需油二百六十斤沁城旱磨五合每合日需油四兩一年除小建停工二十四日外共需油四百二十斤啖嚙差駝四十隻每年需油四十斤以上通共合算每年應需油一千七百五十餘斤查每年由廳倉領京石葫蘆四十九石六斗每石榨獲油三十斤共油一千四百八十八斤尙不敷清油二百五十餘斤仍採辦應用

一哈密煤窯原委 於乾隆二十五年九月內署哈密廳稟呈木柴昂貴地窄人稠請開煤窯遣人跣勘如果堪用再行稟覆今跣勘挖燒火災甚烈煤價賤於木柴等語稟報前來相應咨商陝甘總督會銜具奏於乾隆二十六年二月初七日准陝甘總督咨爲奏明籌開採煤炭以裕民用一摺於正月十三日具奏於正月三十日奉到硃批知道了欽此相應移

哈密志卷之四十二

紀事志一

三

禹貢學會  
邊疆叢書

會駐劄哈密辦事

布政司永寧道員淑寶

乾隆二十六年二月初三日

差馬原委 一哈密供差馬匹初軍興之際哈密設有供差馬二百匹嗣於二十五年總督吳達善以差務漸少減去馬一百匹只留一百匹又於二十七年總督吳達善以肅鎮安西哈密三處原安供差馬各一百匹因安西在適中之地接送兩路差使酌在肅州哈密各抽撥馬十四匹巴里坤鎮標營馬內抽撥十四匹并歸安西營哈密現設差馬九十四匹前項馬匹長年供差每年三分合例報倒所需料草在文員衙門支領每馬一匹日支料三倉升七觔重草二束每年供支倉石合京石豆一千三百八十七石零七斤重草六萬四十八束

軍台原委 一哈密十二軍台節經酌定章程乾隆三十五年經烏什大人舒赫德具奏新疆各處軍台員弁議定三年更換年滿令各該大臣分別功過核其優劣出具考語秉公具奏議叙議處等因經本處酌定自三十六年正月爲始定爲三年正月換一半六月換一半俾得新舊相間以資熟手班滿時核其優劣分別等次出具考語具奏議叙議處等因在案又於三十七年准兵部咨開嗣後無論軍營以及內庭交出各省將軍督撫等報匣暨外省各處題奏本章將所屬台站接遞入境出境日期時刻按月造冊送部以憑核查等因經本處以哈密所管軍台共一十二處各站程途遠近不一若照部示逐站將接遞月日時刻開

造勢必繁贅不能簡明請將按站應行里數時刻本處就便稽核辦理如有遲悞三刻以下者應照部議毋庸置議外倘有遲悞四刻以上者本處嚴加責處記過如遲悞一時以上者即將該台弁重責斥革並將該管台站大員職名報部其送部冊籍令哈密協將兩首站入境出境日期時刻造具簡明清冊賚報本處通盤核算有無遲悞咨<sup>兵部</sup>備查至於各處鹿肉菓品荷包藥錠並部頒憲書等項口外驛站分起緩遞毋庸按時計程等因咨部准行又令各站將遞過事件號簿按月呈報本處逐站稽核登註功過飭協備案又各處有單行咨送軍機處及各部院公文冊籍等件設有遲悞無可核對亦令各台另登號簿按月造冊由管台都司各加結轉報本處備查

哈密安設軍台原委 乾隆二十五年陝甘總督吳達善具奏口內口外塘站馬匹再行酌減案內口外自黑山湖起至橙槽溝二十七塘每站原安馬四十四匹各減去馬二十四匹留馬二十四匹以五匹供應往來急差官員不得逾額乘騎其餘十五匹遞送奏摺文報再格子烟墩一站戈壁站遠仍於天生墩腰站留馬五匹以資更替等因嗣於二十七年經總督楊應琚奏准軍台改安新路沙州一路將黃蘆崗一台裁撤其天生墩腰站馬五匹改安新路紅柳碛估爲正站在於苦水格子烟墩長流水三台各抽馬一匹又添馬九匹共馬十七匹以供差務續於三十二年復經總督吳達善具奏將新路仍改舊路所裁之黃蘆崗一台並未後設將紅柳碛原安馬十七匹並兵夫改安黃蘆崗又將新路博羅特口原安馬二十四匹內撥馬十九匹改安星星碛大泉原安馬二十四匹內撥馬十九匹改安沙泉子其天生墩腰站應設馬匹在於沙州及土窩子青墩碛並於博羅特口大泉等五塘抽撥兵三名馬五匹並紅柳碛原安車夫二名騾二頭亦一併設於天生墩腰站是以哈密十二軍台馬匹自哈密至西路橙槽溝每台俱係二十四匹並未抽撥其東路星星碛至長流水均有抽撥馬匹添安黃蘆崗及天生墩者是以俱係十九匹惟黃蘆崗一台止設馬十七匹

差駝原委 一哈密額設官駝防所時原有九十六隻於乾隆六年經總督尹繼善以事宜漸減議留四十隻仍爲邊疆夷人經由預備馱運照看官兵之口糧並遇有別用之需嗣於二十六年防兵減撤設立營制經陝督楊應琚奏准將前項駝四十隻冬春酌給料草交哈密營與巴里坤互相接送小麥青稞以備供支又於乾隆三十二年經總督吳達善會同哈密大人<sup>文</sup>穆齊<sup>圖</sup>奏准將哈密巴里坤互運接濟小麥青稞停止如兩處供支不敷在於各本處就近採買其原設官駝四十隻撥給哈密協營馱運沁屯估支兵糧以省運費每隻每年照依乾隆三年陝甘總督查議定准倒四釐之例報倒應倒合例駝一隻六分每隻價銀

一十八兩共銀二十八兩八錢除夏秋二季下廠牧養外冬春二季每隻需京升料四升共需京石料二百八十八石每石價銀二兩三錢一分共銀六百六十五兩二錢八分每隻需十觔重草一束四分共需草一萬八束每束銀五分一釐共銀五百一十四兩八分每年應需馱糧口袋四十二條需銀二兩五錢二分又以每年三分修補駝屨一十二副需銀一兩二錢三分夾杆一十二副需銀二兩一錢綁夾杆繩二十四根需銀四錢八分捆包蔴繩二十四根需銀三兩三錢六分額定清油四十觔每觔銀九分需銀三兩六錢茶葉四十觔每觔銀三錢二分需銀一十二兩八錢一年通共需料草雜費並例價銀一千一百二十餘兩俱係該營徑由哈密廳支領報銷

備撥馬原委 一哈密備撥馬駝乾隆三十年經戶部議定除官兵領去馬駝按騎馱數目以三分五分銷算外其在廠馬匹每年每百准倒六匹駝隻照乾隆三年陝督查奏定每年每百准倒四隻之例准銷以上馬匹駝隻如有多倒者著落牧官賠補至存廠馬匹撥運將完時由協詳請本處移咨督院一面奏聞一面在於巴里坤鎮屬各營調撥或二三百匹不等解來哈密以備撥用所有各該營缺額馬匹照依伊犁將軍奏准之例將換獲哈薩克貿易馬匹趕赴烏魯木齊由彼分撥各營補額至收撥馬駝數目由協按季造冊呈送本處移咨督院備查其奏銷冊籍從前由協賚報本處移咨督院題銷迨至三十八年經甘肅布政司詳議嗣後造報一切牲畜奏銷登答冊籍以及大部徑行咨查案件均由協送藩司核對呈請咨部

一哈密派駐往肋巴泉各台回子原委 乾隆二十五年葉爾羌參贊大臣舒 等條議各軍台安設回子案內經哈密大人永寧 淑寶奏准將分在巴里坤所屬肋巴泉台起至闢展所屬蘇魯克圖止七台每台派哈密回子十名共七十名令其輪流當差步行遞送往來文移並派伯克一員令戴六品頂統管各台回子所有當差回子照兵丁之例伯克頭目照千總之例各給鹽菜銀兩俱毋庸支給口糧令耕種台站在近地畝如無可耕者就近自行辦理令其幫助其各台冬春喂馬之草卽著回子割取喂養嗣後二十九年經巴里坤大人鍾 等奏准以哈密派去六品頂伯克一員並無所辦之事應請裁汰停支鹽菜迨至四十年經闢展大人白 奏准將闢展之七克騰木蘇魯克圖二台回子請由闢展就近派撥停其由哈密更派等因各在案所有肋巴泉陶賴梧桐窩鹽池蘇吉五台回子共五十名照舊由哈密派撥該回子每名每月支領鹽菜銀九錢哈密台吉按季自行由哈密廳請領同自行幫助口糧運往分散

屯田扣留口糧原委 一塔爾納沁屯兵應需搭支本色糧石向隨哈密營兵丁本色糧石統爲估撥按季前赴廳倉請領迨至乾隆三十八年經哈密副將素爾達詳請在於該屯收穫糧內就近存留等情隨行據通判志亮議詳咨請陝甘總督勒爾謹奏准自乾隆三十九年起將沁屯兵丁本色糧六百九十八石零照數兌留屯所支食以省該兵遠赴廳倉請領之繁等因在案

### 沁蔡兩屯餘地條議

乾隆三十二年夏間經總督吳達善駐劄哈密員外郎挖穆齊圖酌議兩屯事宜具奏經戶部議覆內開 一據該督奏稱現開餘地應同正地一體核計實收分數統行奏報查蔡把什湖塔爾納沁兩處統共餘地二千九十五畝其中肥磽不一樹藝各殊應將沃土悉作正地其中下地畝作爲餘地所收糧石儘數報明分別正餘收倉至遣犯月支口糧卽動支餘地收穫麥石碾磨給發無需再動正地麥石其應加遣犯暨家屬口糧並粘補衣履鹽菜等項亦於餘地所收糧石內變價動用庶正餘地畝秩然不紊而動支款項亦不致混淆等語查屯田收成分數理應按歲墾地畝據實奏報分別勸懲現在伊犁烏魯木齊等處屯種地畝俱並無正餘名目及牽算收成等事今蔡把什湖暨塔爾納沁兩屯於舊墾地畝之外續開地二千餘畝據該督吳達善查明此項餘地向來所收之糧或幫補正地收成分數或支遣犯口糧並未據實報明歲收豐歉無從核實辦理應請飭令該管大臣嗣後秋收分數按畝確計統行據實奏報所收糧石僅數報官其種地遣犯應支各項一併核實官爲給發所有地畝正餘名目概行刪除 一據該督奏稱量給遣犯衣食以節屯糧查蔡把什湖塔爾納沁兩屯隨兵耕作遣犯每名每日除額支官給食麪一斤外因其力作辛勤每名月給加麪十斤卽於開墾餘地糧內碾磨給發又兩處耕屯遣犯內有攜帶妻子者二十七名單身一百五十三名每名每月同有妻子遣犯均給麪三十斤小口減半又遣犯本身每名日給鹽菜錢十文兩年與一無面皮襖歲需衫褲鞋襪等件核計每名歲需銀十兩三錢零此項銀兩亦與餘地糧內變價製給今逐加核計遣犯暨家屬加給口糧僅敷食用仍應照前給發至遣犯本身每名每日給鹽菜錢文以及衣履等件酌減估需銀五兩五錢零各犯遇有事故卽行開除毋任濫支等語查隨兵耕作遣犯每名按日支麪一斤春秋力作時每日又加給口糧既據該督奏稱足敷食用其餘鹽菜及製辦無面皮襖衫褲鞋襪等件從前每名歲給銀十兩三錢零未免粘補過優請酌減給銀五兩五錢零亦屬酌量情形樽節籌畫之意應如所奏辦理至於各遣犯養贍家屬前據原任總督楊應琚議在官地之外每犯酌給

五六畝借給籽種令其自行開墾所需農具通融辦理其秋收以前仍按各犯妻子名口酌借口糧秋收扣還等因咨明臣部在案今該兩屯續墾餘地二千九十五畝現今議令儘數報官前撥各犯地五六畝是否卽在其內抑或另有別項地畝撥給作爲產業之處應令該督詳確查明妥議報部至單身遣犯與帶有家屬者不同今於本分額支加支口糧之外因何又同有妻子人犯一體加給麩斤又查定此例屯兵遣犯每歲力之時自春至秋按日加支口糧麩十兩計每月該支麩十八斤十二兩今摺內聲稱月支麩十斤數目互異應令一併飭查報部 一據該督奏稱續開餘地所需籽種農具前係通融辦理今應仍循其舊毋庸另行給發惟此項餘地連年耕種土脉微薄收成少減現諭該副將吳士勝等相度土宜酌視水利如有力薄之點暫爲休歇另開貼近地畝輪番樹藝俾地畝緩息發生盈茂等語應如該督所奏嗣後屯種力薄之地准其暫行歇種另開貼近地畝輪藝以息地脈至屯種所需籽種係計畝分下之項墾地既多則籽種亦不可少若令照舊通融勢至按畝攤減收成不足轉於屯務無益至農具一項雖非籽種可比但地少猶可通融地多亦難分用總在該管官隨時體察如有實在必須添給之處卽行照例另行撥給以裨屯務其該督所請續開籽種農具通融辦理毋庸另給之處毋庸議 一據該督奏稱蔡把什湖多餘穀草應一體充公以昭畫一查蔡把什湖歲種穀子一千八百畝所割草束除酌留本屯飼喂馬牛之外每年餘草二萬一千六百束節省採買草束銀一千一百餘兩業經臣吳達善於上年十一月內奏明歸入新疆經費項下在案今據總理屯務副將吳士勝稟稱此項穀草每年節省銀一千一百餘兩之外尙餘草一萬二千餘束以每束照例腳價五分一釐計算尙可得銀六百餘兩亦應歸入經費項下一併充公至塔爾納沁歲不種穀并無餘草等語應如所奏將蔡把什湖屯地餘草一萬二千餘束照例變價一併充公按年造報查核至塔爾納沁既稱歲不種穀並無餘草應毋庸議等因前來隨行據哈密協登報蔡把什湖塔爾納沁從前撥給遣犯每名養贍地五六畝卽在現今查明餘地二千九十五畝之內再無別項地畝至屯田遣犯非兵丁關支季餉能自辦粘補者可比是以按各本犯每月加給口糧麩十斤既有此項不便照兵再支力作時加增麩斤其該犯家屬俱係原簽之妻子故按大口每月支給三十麩斤小口減半給與麩十五斤再前項餘地既充正地耕種報收除籽種一項應按所需數目支用外其農具牲畜若不添給難以分用實爲未便但若照例全數請添又多糜費應照定例應需之數減半酌給等因移咨督部堂咨部續准戶部議覆內開查沁蔡兩屯隨兵耕作遣犯前據原任總督楊應琚議在官地之外每犯酌撥地五六畝令其自行開

墾爲養家屬之資毋庸再爲官給口糧本年五月內該督條奏議將撥給遣犯墾種餘地共二千九十五畝撤出作爲正地耕種歲收糧石儘數報官則該犯等帶有家屬者自應官爲辦給口糧至於兩屯種地遣犯除按月額支正項口糧麩三十斤外每名每月再加給麩十斤既據該督查明因遣犯非兵丁關支季餉能自辦粘補者可比是以按各本犯正身名數按月加給至各遣犯正身既有每月加給麩十斤一項自不便復照屯種兵丁之例再支力作時加增麩十兩並聲明該屯遣犯家屬俱係原簽之妻子所有各犯家屬應照所議大口每月支給麩三十斤小口減半給與麩十五斤添給農具籽種以昭永久而歸核實道光二十一年有俄羅斯潛入哈密境內接奉廷寄令其加意撫綏勸諭出境因天寒雪大不能行走官兵防護本處奏明捐辦皮衣散給口糧次年春融派官兵照料護送出境訖 一哈密如遇地方命盜案件由地方官徑行詳報司道核辦錄報本處知照事關回民交涉命案該廳詳報本處奏請查辦